

光緒己丑仲冬

紀恩錄

慈安皇 馬培之徵君紀恩錄序文並錄頁

光緒六年

慈禧皇太后以宵旰勤勞久疾弗瘳於是

詔徵天下知醫者咸詣

闕廷而江蘇巡撫吳公以馬君文植培之應

詔書君既至卽

召見奏對稱旨有脈理精細之

諭以是年七月二十六日始至次年二月三十日

每日與同徵諸醫入內請脈



南京中医药大学图书馆版权所有

恩禮優渥飲饌豐腆

賜福字

賜金錢

賜銀

賜果實

賜鹿脯在廷之臣莫能望其榮寵時君年逾六十

一日晨起趨

朝得暈眩之疾乃乞回籍

慈安皇太后以外來之醫惟馬文植爲良

賞假十日不准回籍君感拜堂以報澤恩以始
恩遇力疾從事至次年春君與余寓鳳山
慈禧皇太后疾有間矣而君暈眩特甚臥不能興復

以回籍請

皇太后問廷臣咸曰是誠有病於是
優詔許焉君歸逾數月而

皇太后聖躬大安乃

命南書房翰林書扁額一方以

賜其文曰務存精要



俞序
詔下江蘇巡撫行布政司委官齎送其家君下拜
登受懸之堂楣

皇天章燦然照耀里閭按魏書宣武帝紀永平三年
詔曰經方浩博流傳處廣應病投藥卒難窮
究更令有司集諸醫上尋篇推簡務存精要
取三十餘卷以班九服蓋此四字本此也雖
儒臣謬擬而與前所奉脈理精細之

論正相符合矣君比年來寓居吳下與余寓廬相距
甚近今年春訪我春在堂以所著紀恩錄見

示則自被徵入都至奉

詔回籍數月之事皆載焉余讀之而歎曰異日

國史方伎傳中君必高據一席矣史遷爲太倉

公傳所載臣意云云者不過其應詔答問之

語太倉公固未得見文帝也君乃出入

禁門親承

天語仰瞻

闕廷之壯麗與王公貴人俯仰揖讓於其間遭
逢之盛遠軼古人讀斯錄也視太倉公傳所



南京中醫藥大學圖書館版權所有

載臣意之言不更可觀乎余舊史氏也故不
辭而爲之序願後之作史者用臣意之例備
載此篇亦

國史方伎傳中一佳傳也

光緒十二年春正月德清俞樾

慈航聖紀恩錄序

此重醫學肇於上古自元以來郡國立學祀宓義

神農黃帝號曰醫王以岐伯諸臣升庭祔饗

而郭璞嘗謂巫咸以鴻術爲帝堯之醫世又

謂湯液起於伊尹然則醫之爲道固聖君賢

輔所討論切究於以通神明之德劑陰陽之

偏壽萬民而福千禩而匪獨上之人所賴以

自保其身者也漢書藝文志云方技者生生

之具王官之一守也醫設專官隸於少府實

始秦漢厯代因之以逮於今雖官制屢更而
職守汔無少異至醫官所不能治特勅宣召
高手搜求秘方前代時或有之我人汎陳

朝儒臣知醫者亦或承

旨備顧問一試其技吳江徐大椿靈胎則嘗於康

熙間白衣被徵不久卽緣老病放還鄉里惟

近年武進馬培之徵君以山林耆碩名動

九重適光緒六年

慈禧皇太后久疾弗瘳

皇上孝思純篤

詔求海內名醫江蘇大吏以君應遴派監司護送

恩

航海抵京都伺值命數少皆自薨召至回隸

內廷排日聽宣入

宮察脈立方越八閱月之久雖同徵數君番上供奉而

皇兩宮以外來之醫君爲最良每奉

懿旨命君主筆君以疏逖一小臣趨走

娥臺奴幄間親聆

玉音出則與王公貴人雍容揖讓飫大官之饌給尙

方之札黃金白鏹珍脯嘉果

錫賚駢蕃歲終視諸大臣例同

賜福字明年二月君以疾請告南返

皇太后聖躬旋報大安復蒙

賞給匾額由蘇撫臣發交祇領

奎章寶璽光耀門楣

恩禮之隆六卿九列所希邁也君自被召至回籍

著有紀恩錄記脈證方案詳慎畢登語簡

體醑旨微義朗其間奏對肫切忠愛之忱

盎然流露蓋有不僅以藝術見重者康祺罷
官寓吳門君出示是編猥以序言相誣諉

慈禧皇太后自同治初元垂簾聽政至今幾三十年

值狂寇未殄海禁大弛時事孔棘百倍於承

平之世重以畿輔晉豫水旱洊臻黃童之幾

深宮憂勤庶政選將帥以恢疆土綏與國以靖

邊圉蠲振撫卹以人事挽天菑

肝食宵衣勞心焦慮頤養失宜職是之故薄海

臣工幸戴帡幪孰不祝

慈壽萬年永綏多祐於以光

聖孝而鞏洪基然則君前茲北行所治者

太后一身之疾苦不啻舉普天率土白叟黃童之疾

苦而畢治之也所培者

太后一人之元氣不啻舉

本朝繼繼繩繩無疆厯服之元氣而豫培之也

君之學固超軼等倫君之功亦豈出巫咸伊

尹輩下歟或云他日

國史仿子長方技傳述君生平是書必在甄錄之列余謂此不足爲君榮惟諸嗣君服習訓方筮仕直隸皖浙諸省異日由藝進道如古所稱論病以安國原診以知政者益當抒忠愛之素志以仰答

宮闈高厚之施此則君所樂聞也夫

光緒十四年三月鄞陳康祺拜序



奏牘

江蘇巡撫臣吳元炳奏爲遵

旨延訪醫生派員伴送赴京恭摺仰祈

聖鑒事竊

臣

等承准軍機大臣字寄光緒六年六月

初七日奉

上諭現在

慈禧端佑康頤昭豫莊誠皇太后聖躬欠安已逾數月

疊經太醫院進方調理尙未大安外省講求岐

黃脈理精細者諒不乏人着該府尹督撫等詳



細延訪如有真知其人醫理可靠者無論官紳
士民卽派員伴送來京由內務府大臣率同太
醫院堂官詳加察看奏明請
旨其江蘇等省資送之人卽乘坐輪船來京以期迅
速等因欽此聞

命之餘莫名焦灼當卽恭錄

諭旨扎飭甯蘇兩藩司移行各屬一體欽遵辦理去
後惟查蘇省雖爲人材薈萃之所百工技藝皆
所自出知醫者原不乏人而其中講求有素脈

理精細者殊不多觀現在我

皇太后聖躬欠安已逾數月延醫調治固未可緩然

真知灼見醫理可靠之人

臣

等亦不敢保送因

思武進縣孟河鎮地方職員馬文植素精醫道

遐邇知名各處就診之人往往日不暇給臨症

既屬繁多脉理自益純熟

臣

等前曾延試其技

應手而愈著有成效隨卽具函扎飭該縣僱備

船隻親詣馬文植寓所面爲延請茲據藩司詳

以該職員馬文植深明大義接閱

臣

函慨允料



北京中醫藥大學圖書館版權所有